



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNIK

Broj: 01/14-11-4670-5/25
Sarajevo, 27.01.2026. godine

Na osnovu člana 64. stav (2), člana 72. stav (3) tačka c) Zakona o javnim nabavkama BiH ("Službeni glasnik BiH", br. 39/14, 59/22 i 50/24) (u daljem tekstu: "Zakona"), a u vezi sa Obavještenjem prvorangiranog ponuđača Radis d.o.o. Istočno Sarajevo broj: 61-01/26 od 16.01.2026. godine, shodno odredbama člana 41. Statuta Grada Sarajeva ("Službene novine Kantona Sarajevo", broj 07/23) gradonačelnik Grada Sarajeva donosi

ODLUKU

o izboru drugorangiranog ponuđača u postupku javne nabavke
radova „Obnova i rekonstrukcija zacijevljenog dijela Bistričkog potoka – II i III faza“

I

U postupku javne nabavke radova „Obnova i rekonstrukcija zacijevljenog dijela Bistričkog potoka – II i III faza“, provedenog putem otvorenog postupka, uz kriterij: ekonomski najpovoljnija ponuda, donosi se odluka o izboru drugorangiranog ponuđača i to STRUKTURA d.o.o. Jajce sa ponudenom cijenom u iznosu od 624.854.62 KM bez uračunatog PDV-a, sa rokom izvođenja radova u trajanju od 66 radnih dana.

II

Ovom odlukom stavlja se van snage odluka o izboru najpovoljnijeg ponuđača putem Otvorenog postupka – ENP u postupku „Obnova i rekonstrukcija zacijevljenog dijela Bistričkog potoka – II i III faza“, broj: 01/14-11-4670-4/25 od 15.12.2025. godine kojom se ugovor dodjeljuje ponuđaču Radis d.o.o. Istočno Sarajevo, obzirom da je isti odbio zaključivanje ugovora slanjem pismene obavijesti broj: 61-01/26 od 16.01.2026. godine, protokolisan pod brojem: 14-11-4670-6/25 dana 20.01.2026. godine.

III

Ponuđač STRUKTURA d.o.o. Jajce obavezan je dostaviti dokaze o ispunjavanju uslova propisanih tenderskom dokumentacijom, u originalu ili ovjerenoj kopiji, u roku od 5 (pet) dana od dana prijema ove Odluke.

IV

Ova Odluka stupa na snagu danom donošenja.

Obrazloženje

Odlukom o pokretanju postupka javne nabavke putem otvorenog postupka, broj: 01/14-11-4670-3/25 od 31.10.2025. godine pokrenut je postupak javne nabavke radova „Obnova i rekonstrukcija zacijevljenog dijela Bistričkog potoka – II i III faza“. Dana 07.11.2025. godine na portalu Agencije za javne nabavke objavljeno je Obavještenje o nabavci broj: 1278-1-3-134-3-83/25, dok je sažetak obavještenja o nabavci objavljen u Službenom glasniku BiH, broj: 69/25 dana 14.11.2025. godine.

U predviđenom roku za dostavljanje ponuda na protokol Ugovornog organa zaprimljene su 2 (dvije) ponude i to:

- 1) STRUKTURA d.o.o. Jajce, sa sjedištem u ulici Skela bb, 70101 Jajce,
- 2) RADIS d.o.o. Istočno Sarajevo, sa sjedištem u ulici Jovana Dučića 16, 71123 Istočno Sarajevo.

Postupajući sukladno članu 63. Zakona, stalna Komisija za javne nabavke roba, usluga i radova u Gradu Sarajevu, imenovana Rješenjem gradonačelnika broj: 14-04-714/25 od 31.01.2025. godine, je u

Adresa: Hamdije Kreševljakovića 3

71 000 Sarajevo
Tel.: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



40



zakazano vrijeme pristupila javnom otvaranju ponuda, prilikom čega su ustanovljene cijene pristiglih ponuda i to kako slijedi:

RB	Broj protokola	Ponudac	Datum i sat prijema	Ukupna cijena Ponude bez PDV-a	Ponudeni popust	Ukupna cijena ponude sa popustom bez PDV-a	Rok izvođenja radova
1.	14-11-6297/25	STRUKTURA d.o.o. Jajce	01.12.2025. u 09:05h	624.854,62 KM	-	624.854,62 KM	66 radnih dana
2.	14-11-6328/25	RADIS d.o.o. Istočno Sarajevo	01.12.2025. u 11:45h	590.000,00 KM	-	590.000,00 KM	90 radnih dana

Obradom dokumentacije koja čini sastavni dio ponuda u svrhu provjere valjanosti iste, odnosno da li ista ispunjava zahtjeve propisane tenderskom dokumentacijom, Komisija je uočila postojanje računске greške u ponudi ponuđača STRUKTURA d.o.o. Jajce i to u Obrascu za cijenu ponude - radovi (Aneks 2). Ponuđač STRUKTURA d.o.o. Jajce je o istoj obavješten putem e-maila dana 03.12.2025. godine sa zahtjevom za izjašnjenje o računskoj grešci. Ponuda ponuđača u Aneksu 2 je iznosila 624.854,62 KM bez PDV-a odnosno 731.079,91 KM sa PDV-om, dok je nakon ispravke računске greške, ponuda iznosila 624.868,10 KM bez PDV-a, odnosno 731.095,68 KM sa PDV-om. Na upućeni Zahtjev za izjašnjenje do 08.12.2025. godine ponuđač STRUKTURA d.o.o. Jajce je dostavio (putem e-maila dana 03.12.2025. godine, protokolisan pod brojem: 09-11-4670/25 dana 04.12.2025. godine) *izjavu* kojom izjavljuje da je saglasan sa računskim izmjenama u obrascu za cijenu ponude i da iste prihvata. Daljom sveobuhvatnom analizom ponuda ponuđača STRUKTURA d.o.o. Jajce i RADIS d.o.o. Istočno Sarajevo, Komisija je utvrdila da dostavljene ponude ispunjavaju zahtjeve u pogledu opisa predmeta nabavke i tehničke specifikacije, te da su kao takve prihvatljive. Kao kriterij za dodjelu ugovora, a u skladu sa članom 64. stav (1) tačka a) Zakona, Ugovorni organ je u ovom postupku odredio ekonomski najpovoljniju ponudu sa podkriterijima: a) cijena 95% i b) rok izvođenja radova 5%. Dana 15.12.2025. godine Komisija je dostavila gradonačelniku Grada Sarajeva Zapisnik o pregledu i ocjeni ponuda sa preporukom za dodjelu ugovora ponuđaču RADIS d.o.o. Istočno Sarajevo u postupku javne nabavke radova "Obnova i rekonstrukcija zacijevljenog dijela Bistričkog potoka – II i III faza", sa ponuđenom cijenom u iznosu od 590.000,00 KM bez uračunatog PDV-a, odnosno 690.300,00 KM sa uračunatim PDV-om i rokom za izvođenje radova od 90 radnih dana.

Shodno navedenoj preporuci, donijeta je Odluka o izboru najpovoljnijeg ponuđača broj: 01/14-11-4670-4/25 od 15.12.2025. godine, kojom je prihvaćena ponuda ponuđača Radis d.o.o. Istočno Sarajevo sa ponuđenom cijenom od 590.000,00 KM bez PDV-a, odnosno 690.300,00 KM sa uračunatim PDV-om, uz rok za izvođenje radova od 90 radnih dana.

Po isteku zakonom propisanih rokova, Ugovorni organ je izabranom ponuđaču dostavio prijedlog ugovora na potpis. Međutim, ponuđač je u pisanom obliku – Obavještenjem broj: 61-01/26 od 16.01.2026. godine – odbio dodjelu ugovora. S tim u vezi, Ugovorni organ je postupajući u skladu sa članom 72. stav (3) tačka c) Zakona, dodjelu ugovora ponudio drugorangiranom ponuđaču, firmi Struktura d.o.o. Jajce, koja je potvrdila da će prihvatiti dodjelu ugovora.

Cijeneći sve naprijed navedeno, gradonačelnik Grada Sarajeva odlučuje kao u dispozitivu.

Pouka o pravnom lijeku: Protiv ove Odluke dozvoljena je žalba. Žalba se izjavljuje u roku od deset (10) dana od prijema Odluke, Uredu za razmatranje žalbi putem ugovornog organa, u dovoljnom broju primjeraka.

Gradonačelnik

s.r. Samir Avdić